



*Sabtu, 05 Nopember 2022*

**Ogen: Daniel 6 :1-10**



*Ndarami Kesalahan*



**S**irik tanda tak mampu, e megati si begi i bas percakapen percakapen siteptep wari. Megati si banding-bandingken kita ras kalak si deban, subuk i bas gegeh, pemeteh ras buantannta lit. Tupung kita la bali ras kalak si deban, teruken kita asangkan ia, banci la teraloken. La ngasup kita ngidah kelebihanen kalak si deban, lit sura-suranta seri min adi banci ganjangen kita asangkan ia. Tupung kinatana la bage, turah cian ate, ras segat ate. Dungna daram-darami kesalahen temanna ndai gelah banci ndabuh entah pe nusur bas kedudukenna nari.

Bage me kasus si ialaken Daniel, tupung ia i kerajaan Babel. Ngena ate Raja Nebukadneser pendahin Daniel, e maka iangkatna ia jadi Gubernur i bas kerajaan e. Posisi Daniel e la ngena ate pegawai-pegawai i bas istana raja. Ersada arihna erpekat ndarami kesalahen Daniel. Arih-arih ia kerina uga carana gelah Daniel e la jadi Gubernur sabap ia atena i je. Daniel kalak darat nari, labo penduduk pribumi.

I bas perarihenna, la akapana lit dalanna ndabuhkan Daniel seakatan arah ketutusenna erkiniteken. E maka ersura-sura ia ngerana ras Raja gelah mpedarat aturen i bas Istana. Ise si nembah Dibatana seakatan sembah-sembahen kalak Babel idabuhi ukumen raja. Aturen e ituriken man Raja Nebukadneser, gelah ipedaratna ras imomoken ku belang-belang kerajaan Babel.

Bage me biak negatif si megati teridah i bas kita. Si darami kesalahen kalak guna nutupi kekurangenta. Enda labo kepe sikap terpuji. Aloken kelebihanen teman janah sigargari kelebihanenta. Kerina kita labo seri tapi lit nge kerina si mehuli i bas kita. Si mehuli i bas kita e sipebelin, si mehuli i bas temannta si ergaken. Meteruk ukurta, nggit kita erlajar arah kelebihanen temanta. Em s ngena ate Tuhan i bas kita nari.